



## BARIKANE ROMENGO TALENTO

### LE ERIAC-ESKI KOMPETICIA PAL O ROMANO TALENTO 2022

#### San tu barikano rom/romni? Sikav amenge tiro talento!

Le Evropako Romano Instituto vaš Arte thaj Kultura – o ERIAC si lošalo te putarel peski maj nevi kompeticia – BARIKANE ROMENGO TALENTO – dindos pakiv pal i romani kultura, identiteta thaj barvalipe. Kado berš šaj bišalen amenge videourja pal tumari muzika, danso thaj sa akalaver performance te sikavas le lumjake kaj i romani identiteta si buxli, verver thaj barvali!

Savore roma andar i Evropa šaj te bišalen aplikacia thaj te aven andi kompeticia te šaj len karing 3.000 evro!

Prizurja:

1-to than: 3.000 EUR

2-to than: 2.000 EUR

3-to than: 1.500 EUR

++ E participanturja andar i SERBIA, UNGRIKO thaj KOSOVO\* šaj vi von te len jekh andar e trin **Specialo Prizurja** kaj keren po 1000 EUR thaj si dine ko nacionalo nivelu katar amare partenerurja *Opri Roma Srbija, 1Hungary Initiative / Roma Sam, thaj OPRE ROMA Kosovo.*

+++ E participanturja kaj bišalen penge vidourja ando TikTok thaj thon haštago [#proudromatalent](#) šaj te len o prizo **TikTok Audiencako Prizo** kaj kerel 500 EUR.

Sikav tiro barikanipe. Sikav tiro talento. [KER APLIKACIA AKANA!](#)

#### Kon šaj te kerel aplikacia?

E manuša kaj phenen penge roma kaj si amatorja vaj si profesionalo performerja andar i Evropa. Šaj te oven korkoro vaj andi grupa.

#### Save talenturja mangel pes?

Savore artistikane thaj performativo talenturja si akceptisarde ande TRIN KATEGORIE: MUZIKA, DANSO thaj aver genurja KHELIMATENGE sar si i akrobacia, o cirko, i magia, i poezia, vakeripe, poeziako khelipe, etc.

## Sar te keres aplikacia?

Bišal tiro video ramosarindos [i online aplikacia](#) dži ko 23:59 CET 22 novembro, 2022

## Sar alosaren pen e maj lače?

Savore lače videourja si te oven thode katar o timo le ERIAC-esko po Facebooko le ERIAC-esko ande 48 časurja katar o bišalipe. E videourja si te oven dikhle jekh čhon dži ko 30 novembro, 2022.

**E maj dikhle top 21 videourja (po 7 pi kategorija) pe ERIAC-esko Facebooko** si te oven thode pi xarni lista thaj palem dikhle katar jekh internacionalo džuro savo si te alosarel **o 1-to, 2-to thaj 3-to than le maj lačhengo.**

++ E **top 10 maj dikhle videourja ando them Serbia, Ungriko thaj Kosovo** si te oven thode pi xarni lista vaš e **Specialo Prizurja**. Si te ovel dino jekh Specialo Prizo po them katar e lokalo romane organizacie *Opre Roma Srbija* andi Serbia, *1Hungary Initiative / Roma Sam* ando Ungriko thaj *OPRE ROMA Kosovo* ando Kosovo. [kodola kaj lile o 1-to, 2-to thaj 3-to thana našti te len vi Specialo Prizurja].

+++ E lače aplikanturja kaj bišalen penge videourja vaš o TikTok (kodola kaj thon penge videourja po TikTok thaj thon haštago [#proudromatalent](#) thaj bišalen o linko katar o TikTok video andi aplikacia) dašti te len o TikTok Audiencako Prizo. **O maj kamlo video ando TikTok** si te lel 500 EUR.

## Save si e regule?

Rugisaras tumen te ginaven mišto e regule. **E aplikacie kaj na respektisaren e regule na-i te oven akceptisarde.**

- E videourja trebal te oven minimum 45 sekunde thaj maksimum 2 minutja lungo;
- E kompetitorja šaj khelen korkoro vaj andi grupa;
- Sako kompetitoro/ grupo šaj kerel aplikacia toke jekhvar (te ovel ande jekh video); kana jekh aplikacia šaj te džal ande verver kategorije, o kompetitoro trebal te alosarel jekh.
- O video šaj te ovel registrisardo jekhe kamera vaj jekhe telefonosa. O kaliteto le videosko na influjencisarel i decizia le džuroske;
- E videourja kaj si len muzika arakhdi katar autoroske čaćimata si akceptisarde, ama šaj te oven automatično kerde katar o Facebooko te na šunen pes. O džuro si te dikhel o originalo video kaj šunel pes.
- E videourja bišalde ande palutne divesa le kompeticiake šaj te oven thode publiko pal o palutno dives le aplikaciako. Rugisaras tumen te len godjate ke kodola videourja ka ovel len 8 divesa maj but (dži ko 30 novembro, 2022) te oven xulavde thaj te oven dikhle!
- I aplikacia trebal kerdi andi anglikani čhib, ama aver butja kaj mangel pes andi aplikacia si te oven vi ande aver čhibja.
- **Kozom sigo bišales tiro video, kadja bare si tire šanse te keres maj but dikhimata!**
- Avindos andi online kompeticia e participanturja meken le ERIAC-es te inkerel lenge kontakturja te šaj del len maj palal neve informacie vaj oportuniteturja. O ERIAC na-i te del maj dur e kontakturja le participanturjenge karing aver riga.

- O video trebal registrisardo ando palutno čhon (na maj anglal katar i oktombri 2022)
- Ando video na trebal te thol pes nijekh materialo kaj na-i mišto vaj kaj uštjavel e čačimata avere rigake.

### **Savo si o kalendaro le kompeticiako?**

E videourja šaj te oven bišalde vaš i online aplikacia astarindos katar o **26 oktombri, 2022 dži ko 23.59 CET 22 novembro, 2022**. E videourja bišalde pal kado palutno dives na-i te maj oven akceptisarde.

E informacie pal e maj lače si te oven phende ando **9-to decembro, 2022** po Facebooko le ERIAC-esko thaj po websito.

### **Kon si o džuro?**

E membrurja le džuroske si te džanen pes ando novembro 2022.

## APLIKACIAKI FORMA

**IMPORTANTO.** I informacia kaj si maj tele mangel toke te sikavel tuke sar te pheres le aplikaciaki forma. Te des andre andi kompeticia, rugisaras tut te bišales tiri aplikacia vaš i oficialo anglikane čhibjaki aplikacia [kathe](#).

## BARIKANE ROMENGO TALENTO - Online Talentoski Kompeticia Aplikaciaki Forma 2022

\* sikavel e mangle domenurja

### PERSONALO INFORMACIA

---

#### Anav\*

Angluno

Palutno

*Personalo anav le manuŝesko kaj kerel aplikacia korkoro vaj ando anav jekhe gruposko.*

#### San tu rom/romni?\*

*O alav ambrela 'Roma' lel samate e verver grupurja: Roma, Sinturja, Kale, Ramaničals, Bojašja/Rudarja, Aškalia, Edžiptenja, Yenišja, Dom, Lom, Rom and Abdal, thaj sa kadja e Travelerja (gens du voyage, Gypsies, Camminanti, ekc.).*

Va

Na

#### San membro ando ERIAC?\*

Va

Na

#### Emailo\*

#### Telefono mobilo\*

*Rugisaras tut te thos o internacionalo prefikso tire themesko. (Eksempla: +381, +36, +383 ekc.)*

#### Them\*

*Rugisaras tut te alosares o them katar aves. I kompeticia BARIKANE ROMENGO TALENTO si putardi vaš e themutne andar e 46 thema membrurja le Evropake Konsiloske thaj andar o Kosovo\**

### PAL TIRO AKTO

---

#### Savo si tiro Akto?\*

*Rugisaras tut te alosares jekh kategoria kaj si maj paše ke tiro akto.*

MUZIKA

KHELIPE

## PERFORMANCA

### O anav le aktosko

*O artistikano anav vaj gruposko anav kadja sar manges tu te ovel thodo pe tiro publiko video. Rugisaras tut te na ramosares khanči te si sajekh tire anavesa.*

### Sode manuša si ande tiro akto?

*Rugisaras tut te na ramosares khanči kana san korkoro performer.*

## VIDEO BIŠALIPE

---

Šaj te bišales tiro video ande trin modurja kaj si maj tele. Rugisaras tut te **alosares toke jekh opcia** kaj si maj tele.

### Bišal TikTok video URL

*Ov lačno te les o TikTok Audiencako Prizo! Tho tiro video ando TikTok thaj tho haštago #proudromatalent thaj bišal tiro video thovindos kathe o TikTok video URL.*

### Bišal o URL linko katar o video

*Tho tiro video thaj pher kathe o URL linko karing tiro video (WeTransfer, MyAirBridge, Tresorit, etc.)*

### Pheren o video

*Šaj te alosares te pheres tiro video direkto.*

O video šaj te ovel baro maksimalo: 512 MB.

### E termenurja thaj kondicie le videoske \*

Dav konfirmacia ke miro video sas registrisardo ando palutno čhon (na maj anglal katar i oktombri 2022) thaj respektisarel e termenurja thaj e kondicie le akharimaske.

### Akordo\*

Bišalindos kado video, dav miro akordo kaj miro video te ovel uzisardo, editisardo, xulavdo katar le Evropako Romano Instituto vaš Arte thaj Kultura (ERAC) vaš o cilo phanglo ki kompeticia BARIKANE ROMENGO TALENTO thaj vaš e promociake cilurja ando ivento thaj pal o ivento.

Thovindos man andi online kompeticia, dav miro akordo ko Evropako Romano Instituto vaš Arte thaj Kultura (ERAC) te inkerel thaj te le mire personalo date te šaj bišalel mange maj palal informacie vaj oportuniteturja. O ERAC na-i te del maj dur e date le participanturjenge ke aver riga.

Mangav te ramosarav man vaš le ERAC-esko nevimatengo lil.